



ACTA DA SESIÓN EXTRAORDINARIA CELEBRADA POLO PLENO DO CONCELLO DE POL O DÍA

30 DE SETEMBRO DE 2022

No salón de sesións do Concello de Pol, sendo as 09:02 horas do día 30 de setembro de 2022, baixo a presidencia do Sr. Alcalde-Presidente de don Lino Rodríguez Ónega, reuníronse, en sesión pública, os señores e señoras concelleiros/as co obxecto de celebrar sesión ordinaria.

ASISTENTES

Alcalde-presidente
Don Lino Rodríguez Ónega

Concelleiros:

Dona Marina Ramudo Graña,
Dona Carmen Paz Rodríguez,
Dona Ana Belén Seco Morado,
Don César Valiña Irimia,
Don Enrique Rodríguez Rodríguez,

Secretaria:
Dona Lucía Irimia Fernández

AUSENTES

Don José Luis Ramudo Andión,
Dona Sonia Cervantes Rivas,
Dona Ana Domínguez Barreiro,

A sesión desenvolveuse con arranxo á seguinte orde do día:

1.- Modificación da Ordenanza Reguladora da Taxa do Punto de Atención á Infancia de Pol.

Polo señor Alcalde-presidente dáse conta ao Pleno da proposta da Alcaldía que di textualmente:

“PROPOSTA DE ACORDO

En relación coa tramitación do expediente iniciado co fin de acordar a modificación da Ordenanza reguladora da taxa do punto de atención á infancia de Pol, unha vez analizados os seguintes documentos:





1º.- Informe da Traballadora Social municipal, de data 20 de setembro de 2022, informando da obrigatoriedade de acollerse ao réxime de prezos establecidos no Decreto 49/2012, de 19 de xaneiro, polo que se aproba o réxime de prezos das escolas infantís 0-3, da Xunta de Galicia e con efectos retroactivos do 1 de setembro de 2022.

2º.- Informe xurídico da Secretaría Intervención (accidental), datado do 27 de setembro de 2022, que figura no expediente.

Propoño que o Pleno do Concello de Pol adopte as seguintes resolucións:

PRIMEIRA: Aprobar provisionalmente a modificación da ordenanza fiscal reguladora da taxa do punto de atención á infancia de Pol, que se inclúe no anexo I deste acordo, cuxa redacción se converte na indicada no dito anexo.

SEGUNDO: Expoñer este acordo ao público nos lugares indicados no artigo 17 do TRLFL por un prazo de 30 días hábiles para que os interesados poidan examinar os expedientes e presentar as reclamacións que consideren oportunas.

TERCEIRO: No caso de que no período de exposición pública non se presenten reclamacións, que se acreditará mediante certificación de Secretaría, este acordo provisional entenderase elevado automaticamente a definitivo, procedéndose seguidamente á súa publicación no boletín oficial da provincia en unión do texto íntegro modificado das respectivas ordenanzas fiscais.

CUARTO: Que se continúen os demais trámites do expediente.

En Pol, na data da sinatura electrónica á marxe.

O Alcalde
Lino Rodríguez Ónega

ORDENANZA REGULADORA DA TAXA DO PUNTO DE ATENCIÓN A INFANCIA DE POL

Artigo 1º.- Fundamento e natureza

Ó abeiro do previsto nos artigos 57 e 20.3 do Texto Refundido da Lei Reguladora das Facendas Locais, aprobada polo Real Decreto Legislativo 2/2004, de 5 de marzo, de conformidade co que se dispón nos artigos 15 e 19 do referido texto legal, o Concello de Pol, establece a taxa pola presentación do servizo de Punto de Atención á Infancia que se rexerá pola presente ordenanza fiscal.

Artigo 2º.- Feito imponible

Constitúe o feito imponible da taxa a estancia ou asistencia dos usuarios dos servizos do punto de atención á infancia deste Concello de Pol.

Artigo 3º.- Suxeitos pasivos

Están obrigados ao pagamento das cantidades que se establecen os pais dos nenos en situación de alta no PAI de Pol e, no seu defecto, os familiares ou titores legais a quen corresponda o exercicio da patria potestade.





Artigo 4º.- Cota tributaria

As cotas a satisfacer por esta taxa obteranse da aplicación das tarifas contidas no apartado seguinte, de acordo co Decreto 99/2012, do 16 de marzo, polo que se regulan os servizos sociais comunitarios e o seu financiamento.

Artigo 5º.- Cotas

1.- O prezo pola atención educativa en xornada completa fixase en 160,00 euros mensuais, e por media xornada en 80,00 euros mensuais. Segundo a renda per cápita mensual da unidade familiar, sobre este prezo aplicaranse as reducións que a continuación se sinalan.

Aplicación dos prezos públicos mensuais segundo os tramos de renda per cápita da unidade familiar:

Renda per cápita da unidade familiar	Cota/mes	
	Xornada completa	Media xornada
Inferior ao 30% do IPREM	0,00 €	0,00 €
Entre o 30% e inferiores ao 50% do IPREM	0,00 €	0,00 €
Entre o 50% e inferiores ao 75% do IPREM	0,00 €	0,00 €
Entre o 75% e inferiores ao 100% do IPREM	65,60 €	32,80 €
Entre o 100% e inferiores ao 125% do IPREM	105,60 €	52,80 €
Entre o 125% e inferiores ao 150% do IPREM	124,80 €	62,40 €
Entre o 150% e inferiores ao 200% do IPREM	137,60 €	68,80 €
Superiores ao 200% do IPREM	160,00 €	80,00 €

2.- Segundo as circunstancias da unidade familiar, sobre o prezo que resulte de aplicar o disposto no punto primeiro, aplicaranse os seguintes descontos, que non son acumulables entre si:

a) Nenos/as pertencentes a familias numerosas, desconto dun 20%, nos casos que non se acollan ao disposto no punto 4 deste artigo.

b) Nenos/as pertencentes a familias monoparentais, desconto dun 20%

Enténdese por familia numerosa aquela que reúna as condicións que determina a Lei 40/2023, de 18 de novembro, de protección das familias numerosas, ou precepto legal que a substitúa en cada momento.

Para a aplicación dos descontos terase en conta a circunstancias concorrentes no momento de presentación da solicitude de praza no punto de atención á infancia, que deberán ser previamente xustificadas documentalmente de non coincidir coas circunstancias a data de deveción da declaración do IRPF.

3.- A cota para casos indicados como urxentes polos servizos sociais será de 0 euros, ata que remate o carácter da mesma.

4.- Establécese a gratuidade da taxa pola presentación do servizo de Punto de Atención á Infancia en base á Orde do 22 de xullo de 2022 pola que se regulan as bases que rexerán o procedemento de concesión de axudas para o funcionamento e gratuidade da atención educativa das escolas infantís 0-3 e puntos de atención á infancia de titularidade municipal para o curso 2022/23 da Xunta de Galicia, publicada no DOG Núm. 147 de data 3 de agosto de 2022. Ao abeiro da citada Orde este Concello non repercutirá as cotas sinaladas en artigos anteriores aos proxenitores ou titores legais





de todos aqueles menores que asistan ao PAI de Pol, gratuidade que establece, de acordo coa tida Orde da Xunta de Galicia, con efectos retroactivos dende o 1 de setembro de 2022, por ser a data de inicio do presente curso escolar.

Así mesmo, establécese a referida gratuidade durante todos aqueles cursos escolares nos que aplique a mencionada Orde ou outras de índole similar polas que a Xunta de Galicia ou calquera outra administración financie, íntegra ou parcialmente, o custe da taxa obxecto da presente Ordenanza.

Artigo 6º.- Base de cálculo

a) Enténdese por unidade familiar a formada polos cónxuxes non separados legalmente e os fillos/as menores de idade, ou maiores de idade cun grado de discapacidade superior ao 33 % ou incapacitados xudicialmente suxeitos á patria potestade prorrogada ou rehabilitada.

b) A determinación dos membros da unidade familiar realizarase atendendo á situación existente a 31 de decembro do ano inmediatamente anterior ao do inicio do curso escolar para o que se solicita a praza no PAI.

c) Tomarase o importe dos ingresos totais da unidade familiar, que será o resultado da agregación das rendas do exercicio anterior a aquel en que comece o curso escolar, no cal se pretenda que surtan efectos, de cada un dos membros da unidade familiar, calculadas por agregación da base imponible xeral coa base imponible do aforro, segundo os criterios establecidos na normativa do imposto sobre a renda das persoas físicas.

O importe dos ingresos totais da unidade familiar será acreditado, mediante a presentación das copias certificadas pola Administración Tributaria das declaracións o IRPF ou a certificación de ingresos das persoas que non presentasen a declaración do IRPF.

d) O importe anterior dividirase polo número de membros computables da unidade familiar. No caso de familias monoparentais, incrementarase nun 0,8 o número real de membros que compoñen a unidade familiar.

Entenderase por familia monoparental a unidade familiar á que se refire a letra a) cando formara parte dela un único proxenitor que non conviva con outra persoa coa que manteña unha relación análoga á conxugal e sempre que o outro proxenitor non contribúa economicamente ao seu sustento.

e) A renda per cápita mensual será o resultado de dividir o importe anterior por doce.

Artigo 7º.- Pagamento.

1.- O pagamento das cotas, sen prexuízo dos casos de suspensión temporal da cota, realizarase, mediante liquidación, mensualmente nos dez primeiros días do mes seguinte a que correspondan, mediante domiciliación bancaria.

2.- Cando o neno/a ingrese no centro con posterioridade ó día 15 do mes, a cota correspondente a dito mes terá un desconto do 50%.

3.- Salvo os casos de suspensión temporal da cota, a falta de asistencia do neno/a ó centro non supón redución nin exención da cota mentres non se formalice a baixa correspondente.





4.- A falta de pagamento de dúas mensualidades consecutivas ou tres alternas orixinará a perda do dereito á praza.

Artigo 8º- Suspensión temporal da cota.

1.- Os suxeitos obrigados non terán a obriga de aboar a cota durante os seguintes períodos:

a) No mes de vacacións anual do neno/a.

b) Cando, por calquera motivo distinto ó período de vacacións anuais, o centro permaneza pechado un período superior a quince días.

c) Cando por causa debidamente xustificada, o neno/a deixe de asistir temporalmente ó centro. Neste caso, o suxeito obrigado estará exento de pagar a cota mensual dende o primeiro día do segundo mes natural seguinte ó da data de ausencia do centro. A suspensión da cota durará ata o día primeiro do mes natural en que teña lugar a reincorporación do neno/a ó centro. Non obstante, se a reincorporación se produce con posterioridade ó día 15 do mes, a cota correspondente a dito mes reducirase nun 50%

2.- A solicitude de suspensión de cota, xunto coa acreditación documental da circunstancia que a motiva, deberá presentarse ante o alcalde, que resolverá sobre a procedencia da suspensión.

3.- Nos casos de suspensión temporal da cota, o pagamento correspondente ó mes de reincorporación, realizarase no prazo de dez días seguintes ó da data de reincorporación. Así mesmo, nos casos en que o alcalde acorde a non procedencia da suspensión solicitada, o suxeito obrigado deberá ingresar as cotas atrasadas no prazo de dez días seguintes ó da notificación da resolución denegatoria.

Artigo 9º.- Cobro de débedas.

As débedas por cotas non aboadas poderán esixirse mediante o procedemento administrativo de constrinximento cando transcorreran 6 meses dende o seu vencemento sen que se conseguiran cobrar a pesar de realizarse as xestións oportunas.

Artigo 10º.- Actualización dos prezos.

A contía dos prezos establecidos na presente ordenanza actualizarase anualmente de acordo co IPC e publicarase a nova lista de prezos no taboleiro de anuncios do Concello e do PAI e informarase aos usuarios.

DISPOSICIÓN DERRADEIRA

Para o non previsto neste regulamento estarase ao disposto na Lei 5/1997 de 22 de xullo, de Administración Local de Galicia, na Lei 7/1985 de 2 de abril reguladora das Bases de Réxime Local, e regulamentos que a desenvolven, e na Lei 13/2008 de Servizos Sociais de Galicia, Decreto 99/2012, do 16 de marzo, polo que se regulan os servizos sociais comunitarios e o seu financiamento; Decreto 329/2005, de 28 de xullo, que regula os centros de Atención á Infancia e demais normativa autonómica de protección da familia, infancia e menores; Decreto 143/2007, de 12 de xullo, polo que se regula o réxime de autorización e acreditación dos programas e dos centros de servizos sociais.





Esta Ordenanza entrará en vigor ao día seguinte da súa publicación íntegra no Boletín Oficial da Provincia de Lugo e estará vixente até a súa modificación ou derogación expresa.

En Pol, a 27 de setembro de 2022.

*O Alcalde
Lino Rodríguez Ónega”*

Ponse o asunto a votación e por unanimidade, acórdase a aprobación do acordo proposto pola Alcaldía.

2.- Aprobación inicio de expediente expropiatorio para a adquisición dos bens afectados para a execución da obra “Proxecto de estrada municipal de Eirexe a Valincovo pasando por Aldea”.

Polo señor Alcalde-presidente dáse conta ao Pleno da proposta da Alcaldía que di textualmente:

“PROPOSTA DE ALCALDÍA AO PLENO

Expediente número: 131/2019

Asunto: Expediente expropiación forzosa do “Proxecto estrada municipal de Eirexe a Valincovo pasando por Aldea”.

Na sesión do 12 de novembro do 2021 o Pleno do Concello de Pol aprobou o proxecto técnico da obra denominada “Proxecto da estrada municipal de Eirexe a Valincovo pasando por Aldea”. O proxecto quedou aprobado definitivamente o día 28 de xullo de 2022.

En consecuencia, propónse ao Pleno a adopción dos seguintes acordos:

1.- Iniciar o expediente expropiatorio para a adquisición dos bens afectados necesarios para a execución da citada obra, a tramitar polo procedemento urxente de acordo co artigo 22.5 da Lei 6/2015, do 7 de agosto, pola que se modifica da Lei 8/2013, do 28 de xuño, de estradas de Galicia.

A aprobación definitiva do proxecto referido leva implícitas:

- 1) A declaración de utilidade pública.*
- 2) A necesidade de ocupación dos bens e de adquisición de dereitos necesarios para a execución das obras.*
- 3) A súa urxente ocupación.*

2.- Delegar a tramitación do expediente de expropiación no Servizo de Expropiación e Control de Proxectos da Deputación Provincial de Lugo e asumir por este Concello os custos íntegros da expropiación.

3.- Someter a relación individualizada de bens a información pública, mediante edicto no BOP, nun xornal de tirada provincial e no taboleiro de anuncios do Concello de Pol, en





CONCELLO DE POL (LUGO)

C.I.F. P-2704600B · R.E.L. 01270462

Plaza de Galicia, 1 · 27270 Mosteiro – Pol · Tel. 982 345 029 / 982 345 038 · Fax 982 345 330

cumprimento do disposto no artigo 18 da Lei do 16 de decembro de 1954 sobre expropiación forzosa.

4.- Realizada a información pública e resoltas as posibles alegacións, continuar o expediente expropiatorio mediante a súa tramitación polo procedemento urxente.

En Pol na data que consta na sinatura electrónica

O Alcalde,

Asdo.- Lino Rodríguez Ónega”

Sometese o asunto a votación e con 5 votos a favor (PSOE) e 1 abstención (PP) acórdase a aprobación da proposta de Alcaldía.

E non tendo máis asuntos que tratar polo señor Alcalde-presidente levántase a sesión sendo as 09:04 horas do día da data, de todo o que eu, Secretaria-Interventora, accidental, dou fe.

